



## ODGOVORI SA POJAŠNENJEM

### Pitanje broj (1) – tačan odgovor C

Centralna izborna komisija BiH osigurava biračkim mjestima izborni materijal koji obuhvata osjetljivi i ostali izborni materijal. Osjetljivi izborni materijal čine:

1. glasački listići
2. obrasci iz člana 91. Pravilnika o provođenju izbora u BiH
3. izvodi iz konačnog Centralnog biračkog spiska po biračkim mjestima

### Pitanje broj (2) – tačan odgovor B

Kandidatske liste pripadaju **ostalom izbornom materijalu**. Ostali izborni materijal obuhvata i dio potrošnog materijala (poster, glasačke kabine i dr.).

### Pitanje broj (3) – tačan odgovor A

Za primopredaju izbornog materijala od i prema Centralnoj izbornoj komisiji BiH odgovoran je **predsjednik izborne komisije ili član izborne komisije kojeg on ovlasti**.

### Pitanje broj (4) – tačan odgovor A

Izborna komisija dan prije, a najkasnije 12 sati prije otvaranja biračkih mjesta, dostavlja izborni materijal na biračko mjesto. Izborni materijal obuhvata: **izvod iz Centralnog biračkog spiska za određeno biračko mjesto; odgovarajući broj glasačkih listića; odgovarajući broj glasačkih kutija; komplet obrazaca za biračko mjesto; kandidatske liste, odnosno plakate s izgledom glasačkih listića na kojima se glasa u toj izbornoj jedinici; plakate s uputstvima o načinu glasanja i informativnim sadržajima za birače; Zapisnik o radu biračkog odbora (ZARBO) i potrošni materijal prema specifikaciji iz Obrasca Z1 Zapisnika o radu biračkog odbora neophodan za proces glasanja i brojanja glasačkih listića.**

### Pitanje broj (5) - tačan odgovor C

Dan prije održavanja izbora, najkasnije 12 sati prije otvaranja biračkog mjesta, izborna komisija na biračko mjesto dostavlja izborni materijal. Nakon prezimanja izbornog materijala birački odbor je dužan da: **izvrši provjeru izbornog materijala i potvrdi svojim potpisima u Obrascu Z1 Zapisnika o radu biračkog odbora, odredi gdje će skladištiti izborni materijal u toku noći i taj podatak evidentira u Obrascu Z1, uredi biračko mjesto kako će se koristiti na dan izbora, ukloni sva obilježja političkih subjekata u krugu od 50 metara od ulaza u zgradu (biračko mjesto), zalijepi na zid ispred ulaza u biračko mjesto sve plakate i oznake zabrana koje su dobili u izbornom materijalu i uskladište izborni materijal kako su odredili.**

### Pitanje broj (6) – tačan odgovor B

Dan prije održavanja izbora, najkasnije 12 sati prije otvaranja biračkog mjesta, izborna komisija na biračko mjesto dostavlja izborni materijal. Postupak preuzimanja izbornog materijala mogu posmatrati **akreditovani posmatrači političkih subjekata, udruženja i međunarodni posmatrači**

Akreditovani posmatrači mogu posmatrati sve aktivnosti organa za koji su se akreditovali da posmatraju. Predsjednik biračkog odbora u Zapisnik o radu biračkog odbora u Obrazac Z2 upisuje ime i prezime posmatrača i broj akreditacije posmatrača koji je posmatrao radnje biračkog odbora dan prije održavanja izbora.

## II - PRIJE OTVARANJA BIRAČKOG MJESTA

### Pitanje broj (7) – tačan odgovor C

Po ulasku na biračko mjesto, sat vremena prije otvaranja biračkog mjesta, birački odbor obavlja sljedeće aktivnosti: **predsjednik biračkog odbora određuje dužnosti svakom članu biračkog odbora i to evidentira u Zapisnik o radu biračkog odbora Obrazac Z3, identificira i evidentira sve posmatrače koji prisutni na biračkom mjestu u Obrazac Z4, birački odbor utvrđuje brojanjem broj zaduženih glasačkih listića za svaki nivo, kontrolom izvoda iz Centralnog biračkog spiska (CBS) utvrđuje broj imena na izvodu, predsjednik biračkog odbora upisuje broj imena izvoda iz Centralnog biračkog spiska (CBS) u Obrazac brojnog stanja BS u Red 1 za svaki nivo i upisuje broj zaduženih glasačkih listića u Red 2 Obrasca za svaki nivo.**

Birački odbor sve izborne aktivnosti obavlja redoslijedom koji je propisan. S obzirom da se na općim glasa za četiri nivoa vlasti i da birački odbor u vremenu od jednog sata do otvaranja biračkog mjesta ima obavezu da prebroji veliki broj zaduženih glasačkih listića, potrebno je da birački odbor odmah po ulasku na biračko mjesto počne da prebrojava glasačke listiće, dok će predsjednik biračkog odbora raditi svoje propisane aktivnosti.

**Pitanje broj (8) -- tačan odgovor C**

Redovno biračko mjesto dobija broj glasačkih listića prema broju birača na izvodu iz Centralnog biračkog spiska za određeno biračko mjesto, koji se zaokružuje na sljedećih **10, kako je propisano članom 7. stav (1) Pravilnika o provođenju izbora u Bosni i Hercegovini.**

**Pitanje broj (9) - tačan odgovor C**

Birački odbori na redovnom biračkom mjestu za opće izbore dobijaju glasačke listiće za **4 nivoa vlasti, osim biračkih odbora u Brčko distriktu BiH koji dobijaju glasačke listiće u zavisnosti od entitetskog državljanstva.**

**Pitanje broj (10) - tačan odgovor A**

Sat prije otvaranja biračkog mjesta, na biračkom mjestu sa predsjednikom i članovima biračkog odbora mogu se nalaziti **akreditovani posmatrači za posmatranje rada biračkog odbora.**

**Pitanje broj (11) - tačan odgovor C**

Sve radnje na biračkom mjestu mogu posmatrati akreditovani **posmatrači političkih subjekata, posmatrači udruženja i međunarodni posmatrači.**

**Pitanje broj (12) – tačan odgovor B**

U slučaju da birački odbor, prilikom ručnog brojanja primljenih glasačkih listića za svaki izborni nivo, utvrdi da je u paketima glasačkih listića manji broj glasačkih listića od predviđenog broja, a uticao bi na proces glasanja zbog nedostatka glasačkih listića, dužan je da odmah po utvrđivanju ove nepravilnosti obavijesti **općinsku/gradsku izbornu komisiju.**

**Pitanje broj (13) – tačan odgovor C**

Zapisnik o radu biračkog odbora sastoji se od:

- a) Zapisnika I – **Zapisnik o radu biračkog odbora dan uoči održavanja izbora**
- b) Zapisnika II – **Zapisnik o radu biračkog odbora dan održavanja izbora**

### III - OTVARANJE BIRAČKOG MJESTA

#### Pitanje broj (14) – tačan odgovor B

U Obrazac Z4 Zapisnika o radu biračkog odbora na dan izbora (ZARBO) upisuju se podaci **o prisutnim akreditovanim posmatračima na dan izbora.**

#### Pitanje broj (15) – tačan odgovor B

U Obrazac Z7 Zapisnika o radu biračkog odbora na dan izbora (ZARBO) upisuju se podaci **o udaljavanju lica sa biračkog mjesta.**

#### Pitanje broj (16) – tačan odgovor C

U Obrazac Z8 Zapisnika o radu biračkog odbora na dan izbora (ZARBO) upisuju se podaci **o vremenu zatvaranja biračkog mjesta.**

#### Pitanje broj (17) - tačan odgovor B

Da bi birač ostvario svoje biračko pravo potrebno je **da je ime birača upisano na izvodu iz Centralnog biračkog spiska (CBS) i da predoči jedan od tri važeća identifikaciona dokumenta (lična karta, pasoš ili vozačka dozvola) koje je izdala Bosna i Hercegovine,**

#### Pitanje broj (18) - tačan odgovor B

Biračko mjesto je otvoreno u vremenu **od 07.00 do 19.00 sati.**

### IV - IZBORNI DAN – GLASANJE

#### Pitanje broj (19) – tačan odgovor A

Petočlani biračkog odbora ima predsjednika i četiri člana, koji su raspoređeni prema redosljedu radnji koje se obavljaju na biračkom mjestu: **kontrola reda, identifikacija birača, izdavanja glasačkih listića i kontrola glasačke kutije.**

#### Pitanje broj (20) – tačan odgovor B

Član biračkog odbora zadužen za identifikaciju provjerava identitet birača na osnovu jednog od sljedećih važećih dokumenata koje je izdala Bosna i Hercegovina **lična karta, pasoš i vozačka dozvola.**

**Pitanje broj (21) – tačan odgovor B**

Na biračkom mjestu za glasanje u odsustvu glasaju birači koji **imaju status raseljenog lica**.

**Pitanje broj (22) – tačan odgovor A**

Na biračkom mjestu za glasanje nepotvrđenim glasačkim listićima pravo glasanja ostvaruju:

**1. birači upisani u izvod iz Centralnog biračkog spiska za glasanje izvan BiH, a na dan održavanja izbora zateknu se u zemlji**

**2. redovni birači koji se ne nalaze na zaključenom izvodu iz Centralnog biračkog spiska, a posjeduju važeći identifikacioni dokument i potvrdu o mjestu prebivališta, odnosno ukoliko se radi o biračima u Brčko distriktu BiH pored navedenih dokumenata i dokaz o entitetskom državljanstvu.**

**Pitanje broj (23) – tačan odgovor C**

Birač koji je prvi put upisan u Centralni birački spisak (CBS) od dana zaključenja Centralnog biračkog spiska (CBS) do dana izbora, a koji biračkom odboru preda potvrdu koju je izdao centar za birački spisak i kojom potvrđuje da se ime ne nalazi upisano ni na jednom izvodu iz Centralnog biračkog spiska (CBS), omogućeno je glasanje na biračkom mjestu **za izdavanje nepotvrđenih glasačkih listića**.

**Pitanje broj (24) – tačan odgovor B**

Birač koji se nalazi na spisku koji je dostavila Centralna izborna komisija BiH o državljanima BiH koji su upisani na izvod iz Centralnog biračkog spiska (CBS) za glasanje izvan zemlje, a vratio se u BiH, omogućeno je da glasaju na biračkom mjestu **za izdavanje nepotvrđenih glasačkih listića**.

**Pitanje broj (25) - tačan odgovor A**

Ukoliko ime birača nije upisano na birački spisak za dato biračko mjesto, predsjednik biračkog odbora **je dužan** da izvrši provjeru sa nadležnom izbornom komisijom na kojem biračkom mjestu taj birač glasa.

**Pitanje broj (26) - tačan odgovor B**

Da bi posmatrao aktivnosti biračkog odbora akreditovani posmatrač mora **biti akreditovan za posmatranje rada biračkog odbora, imati važeći identifikacioni dokument i akreditaciju (bedž) vidno okačen na sebi**.

**Pitanje broj (27) - tačan odgovor C**

Birač preda članu biračkog odbora zaduženom za identifikaciju na redovnom biračkom mjestu važeći identifikacioni dokument i potvrdu koju je izdala izborna komisija. Član biračkog odbora utvrdi da se ime birača se ne nalazi na izvodu iz Centralnog biračkog spiska (CBS) za dato biračko mjesto i tada će **obavijestiti birača da svoje biračko pravo može ostvariti na biračkom mjestu za glasanje nepotvrđenim glasačkim listićima.**

**Pitanje broj (28) – tačan odgovor A**

U izvod iz Centralnog biračkog spisak, u dio za potpis birača koji je slijep, nepismen ili fizički nesposoban i koristi pomoć drugog lica prilikom glasanja, član biračkog odbora zadužen za identifikaciju upisuje oznaku **XX.**

**Pitanje broj (29) – tačan odgovor A**

Birač koji promijeni prebivalište iz jedne općine (osnovne izborne jedinice) A u drugu općinu (osnovnu izbornu jedinicu) B u periodu od zaključenja konačnog Centralnog biračkog spiska (CBS) do dana održavanja izbora, biračko pravo će ostvariti u općini **A, odnosno općini u kojoj je imao prijavljeno prebivalište prije zaključenja konačnog Centralnog biračkog spiska.**

**Pitanje broj (30) - tačan odgovor A**

Na biračkom mjestu za glasanje u odsustvu biraču se izdaje **koverta sa kombinacijom glasačkih listića općine za koju birač ima pravo glasa, što je evidentirano u izvodu iz Centralnog biračkog spiska (CBS).**

**Pitanje broj (31) - tačan odgovor C**

Član biračkog odbora zadužen za identifikaciju **identifikuje birača, pronalazi ime birača na izvodu iz Centralnog biračkog spiska (CBS) i upozorava birača da je dužan u rubrici za potpis pored svog imena se potpisati identično kao na ličnoj karti, te naglas izgovara ime birača koji je pristupio glasanju da svi u biračkom mjestu to mogu čuti.**

**Pitanje broj (32) - tačan odgovor A**

Biraču koji nakon identifikacije ne želi da se potpiše u izvod iz Centralnog biračkog spiska (CBS) **birački odbor ne izdaje glasačke listiće sve dok se birač ne potpiše identično kao na identifikacionom dokumentu.**

**Pitanje broj (33) - tačan odgovor B**

Na biračkom mjestu za glasanje nepotvrđenim glasačkim listićima birač koji posjeduje ličnu kartu zahtijeva od člana biračkog odbora da glasa. Član biračkog odbora će **uputiti birača u izbornu komisiju da dobije potvrdu od izborne komisije za glasanje nepotvrđenim glasačkim listićima.**

**Pitanje broj (34) - tačan odgovor B**

Mobilni tim obilazi birače koji su vezani za svoje domove zbog bolesti/starosti **prema planu obilaska tih birača koji je izradila izborna komisija.**

**Pitanje broj (35) - tačan odgovor A**

Da bi posmatrač mogao da posmatra rad mobilnog tima i upisuje primjedbe u Zapisnik o radu biračkog odbora za mobilni tim potrebno je da **u sjedištu izborne komisije, prije otvaranja biračkih mjesta ili na lokaciji na kojoj zatekne mobilni tim (na osnovu plana kretanja mobilnog tima koji dobije od izborne komisije), dođe do predsjednika biračkog odbora, pokaže akreditaciju i preda svoj važeći identifikacioni dokument, koji ostaje kod predsjednika mobilnog tima dok posmatra rad mobilnog tima.**

**Pitanje broj (36) - tačan odgovor A**

Ukoliko birač u glasačku kutiju ne ubaci sve glasačke listiće koji su mu izdati na biračkom mjestu, član biračkog odbora zadužen na kontrolu glasačke kutije upozorit će ga da je obavezan to uraditi. Ako birač ne postupi u skladu sa upozorenjem, predsjednik biračkog odbora će **u Zapisnik o radu biračkog odbora evidentirati ovaj slučaj zapisujući i podatke sa identifikacionog dokumenta birača.**

**Pitanje broj (37) - tačan odgovor B**

Ako birač koji glasa u odsustvu ošteti jedan od četiri glasačka listića biračkom odboru vraća **kovertu sa sva četiri glasačka listića i od člana biračkog odbora zaduženog za izdavanje glasačkih listića dobija novu kovertu sa četiri nova glasačka listića.**

**Pitanje broj (38) - tačan odgovor A**

Ako birač koji glasa na redovnom biračkom mjestu ošteti jedan od četiri glasačka listića koja je dobio biračkom odboru vraća **oštećeni glasački listić i od člana biračkog odbora zaduženog za izdavanje glasačkih listića dobija novi listić za isti izborni nivo, dok zadržava preostala tri glasačka listića koja nije oštetio.**

#### **Pitanje broj (39) – tačan odgovor C**

Predsjednik biračkog odbora može sa biračkog mjesta udaljiti svako lice koje narušava red. Svako udaljšavanje s biračkog mjesta treba zabilježi u Obrazac **Z7** Zapisnika o radu biračkog odbora.

#### **Pitanje broj (40) - tačan odgovor B**

Predsjednika i članove biračkog odbora koji svojim aktivnostima naruše kontinuitet glasanja, odnosno postupaju suprotno pravilima u toku glasanja ili brojanja glasčkih listićaa, može sa biračkog mjesta udaljiti **općinska/gradska izborna komisija**.

### **ZATVARANJE BIRAČKOG MJESTA**

#### **Pitanje broj (41) - tačan odgovor B**

Predsjednik biračkog odbora u 18.45 sati (petnaest minuta prije zatvaranja biračkog mjesta) će **obavijestiti sve u i izvan biračkog mjesta da će biračko mjesto biti zatvoreno u 19.00 sati**.

#### **Pitanje broj (42) - tačan odgovor A**

Zbog problema na biračkom mjestu sa jednim biračem, predsjednik biračkog odbora je zatvorio biračko mjesto na pola sata. Birački odbor će svoj rad iza 19.00 sati produži **za pola sata**.

#### **Pitanje broj (43) - tačan odgovor C**

Nakon što posljednji birač napusti biračko mjesto u 19.00 sati, predsjednik biračkog odbora će **zatvoriti biračko mjesto, zalijepiti otvor glasačke kutije ljepljivom trakom, upisati u Zapisnik o radu biračkog odbora u Obrazac Z8 da je biračko mjesto zatvoreno u 19.00 sati i evidentirati prisutne posmatrače**.

#### **Pitanje broj (44) - tačan odgovor C**

Nakon završenog procesa glasanja mobilni tim predaje izborni materijal **općinskoj/gradskoj izbornoj komisiji**.



## **BROJANJE GLASAČKIH LISTIĆA, UTVRĐIVANJE REZULTATA NA BIRAČKOM MJESTU I PAKIRANJE**

### **Pitanje broj (45) - tačan odgovor C**

Prije otvaranja glasačke kutije birački odbor treba: **utvrditi broj potpisa birača, broj neiskorištenih glasačkih listića i broj oštećenih glasačkih listića za svaki nivo, te će predsjednik biračkog odbora upisati te podatke u Obrazac brojnog stanja BS, završiti njegovo popunjavanje i potpisati ga i predsjednik i svi članovi biračkog odbora. Nakon toga će članovi biračkog odbora u providne plastične veće vreće zapakovati neiskorištene i oštećene glasačke listiće (na svakoj vreći će upisati broj biračkog mjesta i nivo glasačkih listića koji se nalazi u vreći crnim markerom) i napraviti spajanjem svih stolova veliku radnu površinu na kojoj će brojati glasačke listiće.**

### **Pitanje broj (46) - tačan odgovor B**

Kad predsjednik biračkog odbora otvori glasačku kutiju, istrese njen sadržaj na radnu površinu i svima pokaže da je glasačka kutija prazna, birački odbor **razvrstava glasačke listiće prema boji u 4 grupe, predsjednik biračkog odbora 3 grupe glasačkih listića stavlja u tri različite providne manje plastične vreće a na stolu ostavlja grupu glasačkih listića sive boje.**

Pravilnikom o načinu provođenja izbora utvrđen je redoslijed brojanja glasačkih listića tako da se prvo broje glasački listići za članove Predsjedništva BiH, koji su sive boje, zatim glasački listići za Parlamentarnu skupštinu BiH, koji su plave boje, nakon toga u FBiH glasački listići za Parlament FBiH, listići ljubičaste boje i glasački listići za skupštine kantona, koji su bordo crvene boje, a u RS glasački listići za Predsjednika i potpredsjednike RS, koji su žute boje i Narodnu skupštinu RS, koji su smeđe boje.

### **Pitanje broj (47) – tačan odgovor A**

**Glasački listići se štampaju u različitim bojama, u zavisnosti od izbornog nivoa i to za izborne nivoe u Federaciji BiH:**

Predsjedništvo BiH – glasački listić je **SIVE** boje,  
Predstavnički dom Parlamentarne skupštine BiH - glasački listić je **PLAVE** boje,  
Predstavnički dom Parlamenta Federacije BiH - glasački listić je **LJUBIČASTE** boje  
Kantonalne skupštine - glasački listić je **BORDOCRVENE** boje

### **Pitanje broj (48) – tačan odgovor B**

**Glasački listići se štampaju u različitim bojama, u zavisnosti od izbornog nivoa i to za izborne nivoe u Republici Srpskoj:**

Predsjedništvo BiH – glasački listić je **SIVE** boje  
Predstavnički dom Parlamentarne skupštine BiH - glasački listić je **PLAVE** boje  
Predsjednik i potpredsjednici Republike Srpske - glasački listić je **ŽUTE** boje  
Narodna skupština Republike Srpske - glasački listić je **SMEĐE** boje

**Pitanje broj (49) – tačan odgovor A**

Po sistemu VEĆINSKOG GLASA birači glasaju za:

- 1.Predsjedništvo BiH**
- 2.Predsjednika i potpredsjednike RS**

**Pitanje broj (50) – tačan odgovor B**

Po sistemu OTVORENA LISTA birači glasaju za:

- a) Predstavnički dom Parlamentarne skupštine BiH**
- b) Predstavnički dom Parlamenta Federacije BiH**
- c) Narodnu skupštinu Republike Srpske**
- d) Kantonalne skupštine**

**Pitanje broj (51) – tačan odgovor C**

Glasački listići koji se ne broje u utvrđenoj fazi redoslijeda brojanja, pakiraju se u **PROVIDNE** plastične vreće posebno za svaki izborni nivou i odlažu na način da ih svi prisutni mogu vidjeti.

**Pitanje broj (52) - tačan odgovor B**

Birački odbor u Brčko distriktu BiH **prvo broji glasačke listiće za entitet RS propisanim redoslijedom, pa glasačke listiće za entitet FBiH propisanim redoslijedom.**

**Pitanje broj (53) - tačan odgovor B**

Tokom brojanja glasačkih listića posmatrači se **ne mogu mijenjati i oni su se zatekli zatekli u 19.00 sati, prilikom zatvaranja biračkog mjesta, mogu posmatrati aktivnosti biračkog odbora do kraja i mogu napustiti biračko mjesto kad god požele.**

**Pitanje broj (54) - tačan odgovor B**

Birački odbor u FBiH broji glasačke listiće sljedećim redoslijedom: Predsjedništvo BiH, Parlamentarna skupština BiH, Parlament FBiH, kantonalna skupština.

**Pitanje broj (55) - tačan odgovor A**

Birački odbor u RS broji glasačke listiće sljedećim redoslijedom: **Predsjedništvo BiH, Parlamentarna skupština BiH, Predsjednik i potpredsjednici RS, Narodna skupština RS.**

**Pitanje broj (56) – tačan odgovor A**

Po završetku razdvajanja glasačkih listića po nivoima na biračkom mjestu u Federaciji BiH prvo se broje glasački listići za **PREDSJEDNIŠTVO BIH.**

**Pitanje broj (57) – tačan odgovor A**

Po završetku razdvajanja glasačkih listića po nivoima na biračkom mjestu u Republici Srpskoj prvo se broje glasački listići za **PREDSJEDNIŠTVO BIH.**

**Pitanje broj (58) - tačan odgovor A**

Ukoliko prilikom razdvajanja glasačkih listića birački odbor na zahtjev člana biračkog odbora ili akreditiranog posmatrača utvrdi da glasački listić bez važećeg zaštitinog znaka (vodeni žig), proglašava ga **nevažećim.**

**Pitanje broj (59) – tačan odgovor C**

Ukoliko prilikom razdvajanja glasačkih listića birački odbor na zahtjev člana biračkog odbora ili akreditiranog posmatrača utvrdi da glasački listić bez važećeg zaštitinog znaka (vodeni žig), proglašava ih **nevažećim** i broj tih listića obavezno upisuju u Zapisnik o radu biračkog odbora u Obrazac **Z6.**

**Pitanje broj (60) - tačan odgovor A**

Prilikom razvrstavanja glasačkih listića jednog nivoa članovi biračkog odbora su pronašli glasački listić koji je fizički oštećen, pocijepan do te mjere da se ne može utvrditi za koji politički subjekt je birač dao svoj glas, predsjednik biračkog odbora ga svrstava u **kategoriju nevažećih ostalih glasačkih listića.**

**Pitanje broj (61) - tačan odgovor C**

Prilikom razvrstavanja glasačkih listića jednog nivoa birački odbor je pronašao glasački listić na čijoj poledini piše "POŠTA". Predsjednik biračkog odbora će **proglasiti glasački listići nevažećim ostalim i obavezno upisati primjedbu u Zapisniku o radu biračkog odbora i navesti da je birački odbor u glasačkoj kutiji pronašao takav glasački listić.**

**Pitanje broj (62) - tačan odgovor B**

Prilikom razvrstavanja glasačkih listića za jedan nivo birački odbor je pronašao glasački listić koji je pocijepan na pola. Na jednom dijelu glasačkog listića je birač markirao jednu političku partiju. Birački odbor će glasački listić tretirati kao **važeći i glas za datu političku partiju.**

**Pitanje broj (63) - tačan odgovor B**

Ukoliko je na glasačkom listiću za Predsjedništvo BiH (izborna jedinica Federacija BiH) birač glasao za jednog kandidata sa liste kandidata iz reda bošnjačkog naroda i jednog kandidata sa liste kandidata iz reda hrvatskog naroda, glasački listić je **nevažeći.**

**Pitanje broj (64) - tačan odgovor B**

Ukoliko je birač na glasačkom listiću – OTVORENA LISTA označio kvadratić ispred naziva jedne političke stranke i jednog nezavisnog kandidata, glasački listić je **nevažeći.**

**Pitanje broj (65) - tačan odgovor B**

Ukoliko je birač na glasačkom listiću – OTVORENA LISTA označio jednog ili više kandidata unutar liste jedne političke stranke i jednog ili više kandidata unutar liste jedne koalicije, glasački listić je **nevažeći.**

**Pitanje broj (66) - tačan odgovor B**

Glasački listić koji na kojem su označena dva kandidata i to jedan iz jedne političke partije i jedan iz koalicije je **nevažeći ostali listić.**

**Pitanje broj (67) - tačan odgovor C**

Na jednom od glasačkih listića za Predstavnički dom Parlamentarne skupštine BiH birač je stavio oznaku X u kvadratić ispred kandidata pod rednim brojem 4 jedne političke partije. Taj glasački listić je **važeći i bit će računat glas za političku partiju i glas za kandidata.**

### Pitanje broj (68) - tačan odgovor C

Ukoliko birački odbor ima predsjednika i dva člana, procedura drugog brojanja (brojanje glasova po kandidatima političkih subjekata) vrši se na način da je **predsjednik biračkog odbora čitač, a dva člana su evidentičari.**

Na biračkim mjestima sa tročlanim biračkim odborom (predsjednika i dva člana) proceduru brojanja glasova po kandidatima rade predsjednik i dva člana biračkog odbora i u tom timu nema kontrolora čitača.

### Pitanje broj (69) - tačan odgovor B

Ukoliko birački odbor ima predsjednika i četiri člana, proceduru drugog brojanja (brojanje glasova po kandidatima političkih subjekata) vrši **tim od 4 člana biračkog odbora.**

### Pitanje broj (70) - tačan odgovor C

Drugi krug brojanja (brojanje glasova po kandidatima političkih subjekata) predstavlja **brojanje glasova za kandidate u okviru političkih subjekata uz korištenje Pomoćnog obrasca za brojanja glasova po kandidatima.**

### Pitanje broj (71) – tačan odgovor A

Prilikom brojanja glasačkih listića – OTVORENA LISTA ukupan broj glasova za svakog kandidata utvrđuje se korištenjem **POMOĆNOG** obrasca.

### Pitanje broj (72) - tačan odgovor B

Ukoliko je birački odbor pravilno obavio sve aktivnosti na biračkom mjestu, prije otvaranja glasačke kutije u Obrascu brojnog stanja BS, test tačnosti je 0 (red 10 Obrasca) kada je **zbir - broj potpisa birača na izvodu iz Centralnog biračkog spiska (CBS), broj neiskorištenih i broj oštećenih glasačkih listića jednak broju zaduženih glasačkih listića.**

### Pitanje broj (73) - tačan odgovor B

Ukupan broj glasačkih listića – VEĆINSKI GLAS u glasačkoj kutiji je zbir važećih glasova kandidata i zbir nevažećih (neoznačenih **i ostalih**) glasačkih listića za dato biračko mjesto.

**Pitanje broj (74) - tačan odgovor A**

Ukupan broj glasačkih listića – VEĆINSKI GLAS u glasačkoj kutiji je zbir važećih glasova kandidata i zbir nevažećih (neoznačenih i ostalih) glasačkih listića za dato biračko mjesto.

**Pitanje broj (75) - tačan odgovor B**

Zbir važećih glasova svih kandidata – VEĆINSKI GLAS odgovara broju potpisa birača na izvodu iz Centralnog biračkog spiska za dato biračko mjesto samo ukoliko su svi birači pravilno glasali, odnosno nije bilo nevažećih (neoznačenih i ostalih) glasačkih listića.

**Pitanje broj (76) – tačan odgovor C**

Prilikom brojanja glasačkih listića po političkim subjektima – OTVORENA LISTA utvrđeno je da je jedna politička partija dobila 250 glasova. Svaki kandidat unutar liste navedene političke partije, koja se sastoji od 10 kandidata, može imati najviše **250** glasova.

**Pitanje broj (77) – tačan odgovor A**

Za političke subjekte koji nisu dobili glasove predsjednik u rubrike za glasove kandidata tih političkih subjekata upisuje **ČETIRI NULE (0000)**.

**Pitanje broj (78) - tačan odgovor A**

Predsjednik biračkog odbora sve obrasce ZR (većinski glas i otvorena lista) popunjava **crvenom olovkom**.

**Pitanje broj (79) - tačan odgovor A**

Predsjednik biračkog odbora u obrascu ZR - većinski glas popunjava podatke sljedećim redoslijedom: **upisuje broj biračkog mjesta u zaglavlju obrasca, broj potpisa sa Obrasca brojnog stanja BS, ukupan broj glasačkih listića u glasačkoj kutiji, broj nevažećih neoznačenih, broj nevažećih ostalih, ukupan broj nevažećih glasačkih listića, broj glasova za svakog kandidata, zbir glasova svih kandidata (red UKUPNO na obrascu), broj važećih glasačkih listića, ukupan broj glasačkih listića, test tačnosti, broj plastičnog pečata sive vreće i potpisi svih članova biračkog odbora.**

Predsjednik biračkog odbora popunjava sve obrasce, između ostalih i Obrazac ZR – većinski glas, na način da prati redoslijed radnji koje birački odbor izvršava. Redoslijed popunjavanja obrasca prati redoslijed radnji biračkog odbora.

**Pitanje broj (80) - tačan odgovor C**

Na obrascu ZR – većinski glas nalaze se dva testa tačnosti (TEST 1 i TEST 2) u koji se upisuju rezultati podudaranja **broj potpisa birača na izvodu iz Centralnog biračkog spiska (CBS), broj glasačkih listića u glasačkoj kutiji i zbir važećih i nevažećih glasačkih listića.**

Na obrascu ZR – većinski glas se nalaze dva polja koja imaju naziv Test tačnosti i služe biračkom odboru da poslije završenih određenih radnji kontrolišu ispravnost svog rada. TEST 1 je polje tri sa lijeve strane obrasca ZR – većinski glas. Nakon što predsjednik upiše u polje jedan broj potpisa i u polje dva ukupan broj glasačkih listića, predsjednik upoređuje ta dva broja kako bi utvrdio da su svi birači koji su glasali potpisali se na izvodu iz Centralnog biračkog spiska (CBS) i ubacili svoje glasačke listiće u glasačku kutiju. TEST 2 je polje devet sa lijeve strane obrasca ZR – većinski glas i služi predsjedniku biračkog odbora za provjeru podatka da li su svi glasački listići pronađeni u glasačkoj kutiji prebrajni i svrstani u kategoriju ili važećih ili nevažećih glasačkih listića.

**Pitanje broj (81) - tačan odgovor C**

Predsjednik biračkog odbora potpisuje Obrazac ZR – otvorena lista **na svim bijelim originalnim stranicama.**

**Pitanje broj (82) - tačan odgovor A**

**Zapisnik o radu biračkog odbora i odgovarajuće obrasce potpisuju svi članovi biračkog odbora (ili njihovi zamjenici ako su angažirani u trenutku potpisivanja tih zapisnika).**

**Pitanje broj (83) - tačan odgovor A**

Posmatrač traži od predsjednika biračkog odbora kopiju popunjenog obrasca ZR – većinski glas. Predsjednik biračkog odbora će **posmatrača uputiti da može popuniti obrazac ZR – većinski glas za posmatrača sa žute kopije navedenog obrasca, koja se nalazi istaknuta na biračkom mjestu.**

**Pitanje broj (84) – tačan odgovor A**

Neiskorišteni glasački listići pakuju se u originalne kutije glasačkih listića i zatim u **PROVIDNU ZAŠTITNU VREĆU.**

**Pitanje broj (85) – tačan odgovor A**

**Oštećeni glasački listići pakuju se u kovertu i zatim u PROVIDNU ZAŠTITNU VREĆU.**

### **Pitanje broj (86) - tačan odgovor C**

Prebrojane važeće i nevažeće glasačke listiće za člana Predsjedništva BiH, zajedno sa plavom kopijom obrasca ZR – većinski glas, birački odbor pakuje **u sivu vreću**.

Boja glasačkog listića odgovara boji vreće u koju se pakuju važeći i nevažeći glasački listići.

### **Pitanje broj (87) - tačan odgovor B**

Na biračkom mjestu za glasanje nepotvrđenim glasačkim listićima neiskorištene i oštećene koverta sa glasačkim listićima birački odbor pakuje u providnu plastičnu veću vreću.

Birački odbor u zelenu vreću pakuje koverta sa glasačkim listićima koje su se nalazile u glasačkoj kutiji. U manju providnu plastičnu manju u pakuju Zapisnik o radu biračkog odbora i Obrazac brojnog stanja BSN original u koricama. Izvod iz Centralnog biračkog spiska (CBS) predsjednik biračkog odbora treba predati izbornoj komisiji neupakovan, jer je izborna komisija dužna da podatke sa izvoda prosljedi u Glavni centar za brojanje u elektronskoj formi.

### **Pitanje broj (88) - tačan odgovor C**

Birački odbor za glasanje u odsustvu prebrojane i uvezane koverta, po kombinacijama, zajedno sa plavom kopijom Obrasca brojnog stanja BSO pakuje u **crvenu vreću**.

Birački odbor za glasanje u odsustvu u providnu plastičnu veću vreću pakuje neiskorištene i oštećene koverta sa glasačkim listićima, a u providnu plastičnu manju vreću pakuje izvod iz CBS, Zapisnik o radu biračkog odbora i Obrazac brojnog stanja BSO original u koricama.

### **Pitanje broj (89) - tačan odgovor B**

Crvenu kopiju obrasca ZR – većinski glas predsjednik biračkog odbora **stavlja u kovertu za predsjednika biračkog odbora**.

Obrasci ZR i većinski glas i otvorena lista izrađeni su u pet kopija. Original bijela kopija se dostavlja Centralnoj izbornoj komisiji BiH, plava kopija se stavlja u vreću sa prebrojanim važećim i nevažećim glasačkim listićima, zelena kopija se stavlja u kovertu za predsjednika izborne komisije, žutu kopiju predsjednik biračkog odbora lijepi na zid biračkog mjesta da svi mogu vidjeti izborne rezultate i crvena kopija ostaje predsjedniku biračkog odbora.

### **Pitanje broj (90) - tačan odgovor A**

Plave kopije obrasca ZR – otvorena lista za nivo Predstavnički dom Parlamentarne skupštine BiH predsjednik biračkog odbora stavlja u plavu vreću sa prebrojanim važećim i nevažećim glasačkim listićima.

**Obrasci ZR i većinski glas i otvorena lista izrađeni su u pet kopija. Original bijela kopija se dostavlja Centralnoj izbornoj komisiji BiH, plava kopija se stavlja u vreću sa prebrojanim važećim i nevažećim glasačkim listićima, zelena kopija se stavlja u kovertu za predsjednika izborne komisije, žutu kopiju predsjednik biračkog odbora lijepi na zid biračkog mjesta da svi mogu vidjeti izborne rezultate i crvena kopija ostaje predsjedniku biračkog odbora.**



**Pitanje broj (91) - tačan odgovor C**

Originalni obrazac brojnog BS stanja u koricama birački odbor stavlja **u kovertu za Centralnu izbornu komisiju BiH.**

**Pitanje broj (92) - tačan odgovor A**

Predsjednik biračkog mjesta je obavezan predati izornoj komisiji zapakovan izborni materijal **odmah po završetku svih aktivnosti, a najkasnije 12 sati poslije zatvaranja biračkog mjesta.**

**Pitanje broj (93) - tačan odgovor C**

Birački odbor dostavlja izornoj komisiji vreće sa izbornim materijalom **zapečaćene plastičnim pečatom koji na sebi ima serijski broj sastavljan od slova BA i 6 cifara.**

**Pitanje broj (94) - tačan odgovor A**

Pored zapakovanog izbornog materijala predsjednik biračkog odbora izornoj komisiji je dužan predati **glasačku kutiju.**

Predsjednik biračkog odbora je obavezan izornoj komisiji predati glasačku kutiju, jer je ona stalno materijalno sredstvo izborne komisije i koristi se i na narednim izborima. Preostali neosjetljivi izborni materijal predsjednik biračkog odbora nema obavezu da vrati izornoj komisiji.

**Pitanje broj (95) - tačan odgovor C**

Po dolasku u sjedište izborne komisije mobilni tim: **utvrđuje broj potpisa, broji neiskorištene i oštećene kovertu sa glasačkim listićima te ih pakuje u providnu plastičnu veću vreći, otvara glasačku kutiju, broji kovertu sa glasačkim listićima koje pakuje u narandžastu vreću zajedno sa plavom kopijom Obrasca brojnog stanja BSM. Nadalje, predsjednik mobilnog tima popunjava Obrazac brojnog stanja BSM, pakuju izvod iz Centralnog biračkog spiska (CBS), Zapisnik o radu biračkog odbora i Obrazac brojnog stanja BSM u providnu plastičnu manju vreću i sve to predaju izornoj komisiji.**

**Pitanje broj (96) – tačan odgovor A**

Nakon utvrđivanja rezultata glasanja i pakiranja materijala, birački odbor odmah a najkasnije 12 sati nakon zatvaranja biračkog mjesta dostavlja izborni materijal izornoj komisiji, koja provjerava da li je materijal spakiran na propisan način i potvrđuje prijem u primopredajnom obrascu izbornog materijala **BO-İK.**

**Pitanje broj (97) – tačan odgovor B**

Ukoliko birački odbor ne utvrdi pravilno izborne rezultate, općinska/gradska izborna komisija, uz saglasnost Centralne izborne komisije BiH, može naložiti **OTVARANJE VREĆE SA GLASAČKIM LISTIČIMA.**

**Pitanje broj (98) - tačan odgovor B**

**Ponovno otvaranje vreće vrši se samo za izborne nivoe gdje je došlo do nepravilnog utvrđivanja rezultata glasanja.**

**Pitanje broj (99) - tačan odgovor B**

**Pravilno objedinjavanje rezultata obavlja isti birački odbor koji je radio na biračkom mjestu na kojem nisu pravilno utvrđeni izborni rezultati, posebno formiran birački odbor ili poseban tim za brojanje, o čemu odlučuje općinska/gradska izborna komisija.**

**Pitanje broj (100) – tačan odgovor A**

Predsjednik biračkog odbora obavezan je da, prema rasporedu koji utvrdi Centralna izborna komisija BiH, općinskoj/gradskoj izornoj komisiji dostavi sljedeće podatke:

- a) da li je biračko mjesto otvoreno na vrijeme**
- b) da li je nakon provedenog glasanja birača biračko mjesto zatvoreno na vrijeme**
- c) koliko birača je na biračkom mjestu glasalo i to najmanje dva puta tokom dana izbora, kao i u dodatnim terminima ako to izborna komisija zatraži.**

**Literatura:**

1. Izborni zakon BiH (“Službeni glasnik Bosne i Hercegovine” br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16)
2. Pravilnik o provođenju izbora u Bosni i Hercegovini („Službeni glasnik BiH“, broj 29/18)
3. Priručnik za rad biračkih odbora – Opći izbori 2018.